

# Yudhà andí bhàruwà

## Yàrí bhàruwà ò ì nòtù ádròdrò dhu tí dhu

Yàrí idò bhàruwà nandí ní «Yudhà, Yàkòbhò t'ádònà» tí kátina ale (1). Ndi Yudhà mà adònà Yàkòbhò màna òyòrò kórò ní'ì Yèsù t'ádóná-nzo (Màt 13.55). Kándí ndi pbìndà bhàruwà mbèmbè azà kumì atò údà Yèsù Krístò ka kùgù dhu-dzidò rórò.

Ndi andítá rí dhu ìtè Yudhà rambénà dhu òvò dǎ atdí kànìsà tò, ndirò ngàtsi nǎ ibí kànìsá tò. Pbétù, ka kùni nzá atdí kànìsà mà abádhí nzínzi ò náarfí ònà kigò. Pbìndà bhàruwà ò, kítsu átò Ungbòta-Ayí ò bhùkù mà Pbàyàhúdí tó ngǔkpà andítá màna ò arí'ì irèta. Ní ka kìrè dhu ní kándí dhu fíyò ábhò ale rí'ì pbàkrístò tí rí'ì Pbàyàhúdí.

Yudhà i'ì nà irèta ní pbàkrístò tò ndí ndí dhu àndí Yèsù arí ìndrù ìgǔ dhu dǎ nǎ irèta (3). Pbétù, kàla dhu ní dhu rākà nditdyu abádhí-nyìkpò tsàkàtsàkà nyú abádhí nzínzi ò ì nítsu pbàkrístò tí arí 'àti ale rǎ rò (4). Í ale owúnà 'àti rǎ pbàkrístò tí, pbétù ìnzí 'àdù Kàgàwà nyú ná'ù. Ndirò abádhí ní'ì m̀nyònítále.

## Bhàruwà-nyìtì ka kòhù tí dhu

- Bhàruwà-dòkpa (1-2).
- Yudhà rí pbàkrístò àvì rùgyè ì, 'òdò yà atdí-gùna tí Kàgàwà íbhò pbìndà dhu tí arí'ì ale tò a'uta mbèyi (3-4).
- Yudhà rí Ádrùngbàle Kàgàwà itdiya atdíidò pbàkrístò tí arí 'àti ale, pbétù ìmbà 'àdù ì'ì pbàkrístò tí ale-ànyá tí dhu tó atdídhená ófò nítè dhu (5-19).
- Yudhà rí pbàkrístò ònzi ròwù angyi tí fíyò a'uta ò, ndirò ròngò ídzìnga ònzi yà affiya arúguru Yèsù ì á'ù dhu dǎ ale tò dhu (20-23).
- Yudhà rí Kàgàwà ìfǔ pbìndà ádrùngbànga tó òbi-okú dǎ rò dhu. Ndi òbi ní, Kàgàwà arí pbìndà ale-ngbò òdò ndíní oko tí róná ì ápbà ì rórò tí (24-25).

## Yudhà rí pbàkrístò nóvì dhu

**1** <sup>1</sup>Íma Yudhà, Yèsù Krístò bhà ìncò-akpà, ndirò Yàkòbhò t'ádònà, mà màndí dhu fùkù yà Àba Kàgàwà únzi nyí, kòzè nyí, ndàdù àmbe nyòdò dǎ Yèsù Krístò tò rò. <sup>2</sup>Dhu àkà Kàgàwà bhà ìzu mà, Kà bhà màrùngà mà, Kà bhà àzè màna rí'ì abho nyú fùkù.

## Títò tó màlímó

(2Pé 2.1-17)

3<sup>o</sup>Dhídù, yà atdídò ma mòzè nyí rò, ma múbhì dhu-atdyú òhò rò atdídò, ndíní ma mandí tí dhu fùkù yà atdíkpá àlè kífí nà nyí mànà ògù-okú dò rò. Ní, ma mála dhu kà rākā wà mandí, ndíní nyí nyabá tí òbi, nyámbe nyúgyè dō nī, nyōdō yà atdí-gùna tí Kàgàwà íbhò pbìndà dhu tí aríí ale tō a'uta mběyi. 4<sup>o</sup>Obhó tí, atdídhéná nzére ale nítù wà nzínzìkù ò inzà nyí nyùni rórò. I ale ní iwà Kàgàwà náatdi ànyàya angyangyi nyú ale. Abádhí úgèrè Kàgàwà bhà izu tó òte ríí yà ò ózè 'ònzì nzére dhu ònzì ò í ònà otu tí. Ndirò, abádhí òdhò wà Yèsù Krístò, yà atdí tí aríí àlè tó Màlímò, ndirò àlè tó Ádrùngbàlè. 5<sup>o</sup>Ìmbà dhu ìí iwà nyí nyùni yà ma mójona fùkù dhu angyangyi dhu màtí, ní ma mòzè misè fùkù dhu ní, Ádrùngbàlè Kàgàwà nígú pbìndà ale Mísí tó pbìrì ò rò dhu. Tdítdò, kádù abádhí nzínzì ò ò nùvò, ònzí 'à'ù ndì ale-tsè nábhu ròtdì ndì. 6<sup>o</sup>Ndirò, nyí nyākā nyírè atdídhéná màlàyíkà náanzì dhu: abádhí náadò nzà fíyò ádrùngbànga, pbétù abádhí núbhà yà ò aróko ònà ngari nyú. Ní Kàgàwà arí abádhí òdò òndò ò ùsò ndì ndúsò dhòdhòdhóngà tó imbi ò rórò, ròngò àmbe òndrù-ànyà òtdì ndì ndaraya ònà ádrùngbà idho nódò dō. 7<sup>o</sup>Ndirò, dhu àkà nyírè átò ní Sòdòmò mà Gòmòrà mànà tó kígò, tiyá aríí kyèròkyèrò kígò mànà. I kígò ò bhà náanzì nzérenga ndì dhu bhěyi tí. Abádhí nípfò ò múnòndì tò, 'àdù àmbe ònzí òndrù nyú àmbènà ònzina nzérenga-tidò òndò dō 'ònzì. Ní, ndì dhu-okú dò rò, Kàgàwà atdì wà abádhí-ànyà ròngò àpbè àbà ònzí aráve dhòdhòdhóngà nà kàzù ò, ndíní ìí tí òndrù-nyìkpò itdyu rádù atdí òfò tí.

8<sup>o</sup>Ní ndì dhu bhěyi tí, kòkò nzínzìkù ò ríí nzére ale náarí dhu ònzì ò kígò ò bhà nóongónà dhu ònzì dhu bhěyi tí: abádhí rírèna nzére dhu náarí abádhí àbhù rìtì ngbòya, 'àdù àmbe Kàgàwà bhà ádrùngbànga gàyà nónzì dō. Ndirò, abádhí arí dhu ònò nzére nyú òrù-akpà ò aróko ádrùngbànga tó awáwù ò màlàyíkà ní. 9<sup>o</sup>Pbétù, yà Músà-abvò dō ò í 'àtò, 'àmbe 'àgò dō Pfdmvo nà rò, Mùkàlì, Kàgàwà bhà màlàyíkà ò ádrùngbàlè, náamvù nzà ndòtdì anya kà-dō, ndùnò dhu kà ní ònà. Pbétù, kádù dhu òvò kà tò, ndàtì: «Ádrùngbàlè Kàgàwà àkà ndàbhù nyí nyabà àpbè.» 10<sup>o</sup>Pbétù, kòkò ò nzére ale náarí dhu ònò inzà ò ùni dhu ní màtí. Ndirò òzà, yà òmbà aríí inga t'únita nà, ní bhà òrèta tó òfò ò abádhí ùni dhu náaràdù abádhí àbhù rùwí ùwí tí. 11<sup>o</sup>Ní, abádhí ríí àpbè ò! Abádhí ótsù Kàyìnà náatsù ònà otu ò. Abádhí ònò títò Bàlamà bhěyi fùrangà-okú dò rò. Ndirò, abádhí uvè, Korà bhěyi ò ívà dhu dhu-okú dò rò. 12<sup>o</sup>Ndirò, abádhí mànà nyí nyóko, nyámbe dhu ònyù dō atdíkpá atdí òdhi bhěyi dhu náaràdù nyí òtí òtí tí. Obhó tí, abádhí arí dhu ònyù 'ùlè ní abho nyú ònzí nyíya ríwù rórò, 'àdù àmbe ò kèlè níre dō òtí. Abádhí ùlì ò awe rírà nà àpbù, yà ònzí rí igye àbhù rìkò bhěyi. Ndirò abádhí ùlì ò átò yà ònzí aràdù itsu-kpò ò'ò, yà ò àkànà 'ò'ò

òná kàsùmì ǔ itsu bhěyi. Tdítdǔ, abádhí úli ì yà ivéna ka kangbè, ràdù òtdyù òtǔsì itsu bhěyi. <sup>13</sup> Abádhí úli ì ádrùngbǎ rěrè ò rí 'èpbi òbi nyú nà mùkurà bhěyi, ale-nyì ríwù nǐ fíyó mùtsò ràdù 'ùli yà idha rúdzilina idha-gì ò mùselele bhěyi. Abádhí úli ì átò, yà dhòdhódhóngà nà ì óngò òkò òná atdíǔ ùtì ìnd-íyà tó ngari Kàgàwà ópì fíyò akye rúbhi alali bhěyi.

<sup>14</sup> Ènòkà náavò dhu angyangyi abádhí-okú ò rò. Ndi Ènòkà nǐ àrùbhè rí rùgànda isè Àdamù rǔ rò ndì nòpè rùgànda ǔ atdí ale. Ní kǎti : « Kànǐ Ádrùngbǎle Kàgàwà rǐrà pòndà pǎfè lufù-tsù ìlǐlǎ màlàyíkà nà. <sup>15</sup> Kà rǐrà ndínì ndì ndunò tí yà adzi ǔ kóró ale-ànyǎ. Kà rǐ yà nzére dhu ònzi arí kóró ale-ànyǎ ìtdì, róná abádhí anzì kóró nzére dhu-okú ò rò. Kà rǐ ì nzéngatǎle-ànyǎ nǐtdì yà abádhí unò ndì nǐ ododu òte-abábá-okú ò rò. » <sup>16</sup> Ì ale-idhè náarí nǐ ndìkǎ akekpá màtì, 'àdù àmbe ònu ò kóró kàsùmì ǔ. Ndirò abádhí arúbhi yà afíyà nyú nózè ìtírò dhu bhěyi, 'àdù àmbe idzítá tó òte-abábá òtè ò. Ndirò, abádhí arífùna ale ní dhu àbà ì ádù foyá ale.

### Yèsù ná'ù ale tò ka kí sedzà àbhù dhu

(Kòl 2.6-7; 2Tè 3.3-5; Yàk 5.19-20; 2Pè 3.17-18)

<sup>17</sup> Nyíina òdhídù, yà atdíǔ ma mózè nyì rò, nyì nyàkǎ nyìrè Ádrùngbǎle Yèsù Krístò bhà uvitatǎle núunò angyí fùkù òte. <sup>18</sup> Abádhí ati nyì nǐ : « Yà adzi ǔ dhu-tsù rǐ 'òdì òná kàsùmì rǐ 'ìndù rò, nyǐngò rí atdídhénà ale nǐí'íyà ìnè, 'àdù àmbe ùbhi ò afíyà nyú ózè dhu bhěyi, itse nyú Kàgàwà rǔ rò. »

<sup>19</sup> Abádhí ní ndi ìndrù-ònga àbhù arí rùndò ì ale. Abádhí arí yà adzi ǔ dhu kèlè nírè. Ndirò, Kàgàwà bhà ìlǐlǎ-Alafí rǐrǐ mbǎ abádhí-nyutsì. <sup>20</sup> Pbéù nyì òdhídù, yà atdíǔ ma mózè nyì rò, nyì nyàkǎ nyòsì nyì nzínziku ǔ, wò nyì nyí nà atdíǔ ìlǎ a'uta ò, nyǎdù nyítsò Kàgàwà bhà ìlǐlǎ-Alafí bhà òbi nǐ. <sup>21</sup> Dhu àkǎ nyòkò Kàgàwà ózè nyì nǐ àzè ǔ, nyámbe àlè tó Ádrùngbǎle Yèsù Krístò rǐbhona fùkù pòndà ìdzìnga ǔ dhòdhódhóngà tó ìpírònga nóǔ ò.

<sup>22</sup> Ndirò, nyì nyàkǎ nyònzì kòkò afíyà arúguru Yèsù ì á'ù dhu ò atdídhénà ale-izù. <sup>23</sup> Nyì nyàkǎ nyǐgù ngùkpà ale, nyǐdhǎ kàzù ò rò. Nyì nyàkǎ nyònzì ìdzìnga ngùkpà ale tò òò ònzi nyì nyí rórò, nyǎdù abádhí rònzina nzére dhu ábhù ròtì mberù mà nódhò.

### Kàgàwà bhà ádrùngbǎnga ìlè ka kí dhu

<sup>24</sup> Kàgàwà ní nyòǔ ò rádù ìnzì nyǎwà nyì nzérenga ò, ndàdù nyǎbhù nyíko ìmbǎ nzére dhú na nyukutsì, ndirò ábhò dhèdhe nyú nà pòndà ádrùngbǎnga tó awáwù-ònzì ale. <sup>25</sup> Ndi Kàgàwà, yà atdíò tí arí ìlè tó Ògùba tí, Yèsù Krístò, àlè tó Ádrùngbǎle-òtù ǔ ale, nákǎ ifuta nà, ádrùngbǎnga nà, òbi nà, ndirò dhu ùyǎ ka kí ìndrù tò nǐ òbi nà, ròpè ndì mùhàngù ò rò, rǐrà àhu kòmbí nga ò màtì, ndirò dhòdhódhóngà nà ! Àminà.